

古浪縣志卷六

實業志

東西各國以實業戰勝寰宇者始以兵戰繼以學戰最近以實業戰
物質愈明精巧日進我國改革之初特設農商部以振興實業現今
各省設立實業廳因地制宜力加整頓將來實業發達誠未可量蓋
貨惡棄於地力惡不出身講求實業誠切要之圖古浪地瘠民貧凡
百經營較他處為尤難然天地自然之利何在蔑有今因時因地相
機制宜勤民之務以農工商鑛為四大綱要振興之初勿怠緩勿廢
棄庶於職業教育大有裨益志實業第六

物產

穀類

黍 一名稌俗名糜子有數種俗統名為黃米又一種最小者種

古浪縣志

卷六

一

涼州城內東大街
河西印刷局承印

六十日熟俗名六十糜性俱不黏穗皆散而不結可燒酒製糖
穗可製帚 案說文稌糜也糜稌也呂氏春秋高誘注稌關西
謂之糜玉篇關西糜似黍不黏九穀考說文禾屬而黏者黍則
禾屬而不黏者

稷 紅黑白三種俗謂之穀所製與黍同 案說文稷齋也五穀
之長九穀考稷齋大名也黏者謂秫北方謂之高梁或謂之紅
梁又謂之蜀黍

梁 俗名穀子有白黃兩種俗名小米粒麤而黃亦有紅色者性
俱黏穗皆下垂 案說文禾嘉穀也段玉裁註禾穗下垂如椎
而粒聚

麥 種類最多其色白者曰白麥紅者曰紅麥無芒者曰光頭麥
仲秋下種者為冬麥三壩產最多土東西四壩俱產仲春下種

者曰春麥 案說文麥芒穀也本草綱目小麥一名來亦作麩
九穀考來小麥也崔實月令正月可種春麥盡二月止 又謂
之粦麥樹時在秋 漢武帝紀勸郡種宿麥麥比他穀隔歲種
故號宿麥 蔡邕曰百穀各以初生爲春熟爲秋麥以夏熟故
曰麥秋至又有捲芒六十黃小麥子等名

大麥 有黑白兩種成熟頗早釀酒甚佳 案郭義恭廣志大麥
有黑穠麥羣芳譜青稞麥黑穠麥大抵與大麥同類而異種高
校理科云取大麥春之磨之則爲粉可作食品又可釀酒或造
飴糖

青稞 產於山五壩者多有青白兩種釀酒甚佳 案王禎農書
青稞有大小二種似大小麥而粒大皮薄多麵少麩

燕麥 一名苜麥天下郡國利病書唐於涇渭間置八馬坊地二

古浪縣志

卷六

二

涼州城內東大街
河西印刷局承印

百三十頃樹苜蓿苜麥可飼牲畜且不待糞壅故植者頗獲其
利 爾雅籥雀麥郭注燕麥也李時珍曰此野麥也燕雀所食
寇宗奭曰燕麥苗與麥同但穗細長而疏唐劉錫禹所云菟
葵燕麥動搖春風也

蕎麥 甜苦大小稜四種 本草綱目蕎一名苳麥一名烏麥一
名花蕎李時珍曰蕎麥之莖弱而翹然易長易收磨麵如麥故
曰蕎曰苳而與麥同名也

豌豆 有青白二種白者又名藏豆一種形銳圓似回回帽者名
回回豆亦名桃兒豆 本草綱目豌豆一名胡豆一名戎菽一
名回鶻豆苗柔弱宛宛故得豌豆名

藟豆 紫白二色小而扁可作粉 本草綱目藟豆一名沿籬豆
一名蛾眉豆李時珍曰藟本作扁莢形遍也花如小蛾有翅尾

形

腦孩豆 一名那孩豆形如櫻桃紅白色味香下五壩川七壩有產者

蠶豆 俗名大豆其種來自雲南堪作馬料並可作粉 本草綱目蠶豆一名胡豆 大平御覽張騫使外國得胡豆種歸指此也李時珍曰蠶豆苗莖中空一枝三葉開花如蛾狀莢連綴頗似蠶形此豆食之令人肥稽康養生論曰豆令人重卽此豆也
胡麻 白紅二色苗梗如麻而葉圓銳嫩時可蔬子可出油 案本草綱目胡麻一名狗蟲一名油麻沈存中筆談胡麻卽今油麻漢張騫始自大宛得油麻種來故名胡麻以別中國大麻也
菜子 有白紅大小之別可搾油葉可作蔬

西麥 俗名西麥通名包穀實則玉蜀黍也粒大如豌豆而微扁

古浪縣志

卷六

三

涼州城內東大街
河西印刷局承印

黃色白色亦有紅者 本草綱目玉蜀黍一名玉高粱李時珍曰玉黍種出西土其苗葉俱似蜀黍而肥矮亦似薏苡高三四尺六七月開花成穗如秕麥狀苗心別一苞如櫻魚形苞上出白鬚垂垂久則苞折子出顆顆攢聚子亦大如櫻子黃白色羣芳譜御麥苞如拳而長鬚如紅絨粒如芡實大而瑩白

蔬類

菘 俗曰白菜有多種一種初生名黃芽菜秋末名京白菜一種初生名白菜秋末名箭竿菜又有蓮花捲心鷄腿等名 本草綱目菘一名白菜李時珍曰菘卽今人呼爲白菜者有莖扁薄而白者有莖圓厚微青其葉皆淡青色者舊甘肅通志白菜一名菘出隴西縣者最佳陸佃曰菘四時常見有松操故字從松
蓮花菜 俗名包包菜毬如蓮萼而大色味俱似京白菜舊志云

蓮花菜似茄蓮而色微白大葉叢包小葉形如合拳根葉皆可食四川名金爪菜方式濟龍沙紀略老餘菜卽俄羅斯菘也葉出層層刪之其末層葉葉相抱如毬取次而舒已舒之葉老不堪食割毬烹之略似安肅冬菘

調羹白 俗名猪耳朶莖葉與匙相似故有調羹之名 本草綱

目車前初生苗葉布地如匙王旻山居錄有重車前剪苗食法

則昔人卽以爲蔬

菜子蔓莖 新通志冬採葉爲蔓菁春採莖爲蔓莖作蔬最佳

本草綱目蔓莖一名蔓菜一名油菜以其子可榨油也

菠薐 俗名菠菜羣芳譜菠菜一名菠薐一名赤根菜一名鸚鵡

菜出西域頗陵國今譌爲菠薐蓋菠陵之轉聲也

恭菜 俗名甜菜其根赤色煑食尤甜美 本草綱目恭菜一名

古浪縣志

卷六

四

涼州城內東大街
河西印刷局承印

蕓蓬菜李時珍曰恭與甜通因其味也

蒿苳 甘肅新通志二種葉圓而薄者名生菜葉尖而生筍者名

蒿苳莖名蒿筍 續通志一名蒿菜一名千金菜彭乘云蒿菜

自昺國來故名

韭 春初名韭黃夏莖長尺餘味最美說文韭字象葉出地上形

一種而久生故謂之韭花名韭菁禮記曰韭曰豐本言其美在

根也黃白乃未出土者

芹 俗名芹菜縣城產者最佳 羣芳譜芹古作蘄一名水英一

名楚葵有水芹旱芹水芹生江湖陂澤之涯旱芹生平地

芥 俗名蓋羣芳譜芥一名辣菜有青芥紫芥白芥白芥一名胡

芥一名蜀芥葉青白色爲茹甚美子如梁米黃白色味極辛美

蘆葵 俗名芫葵 本草綱目胡葵一名香葵一名蘆葵李時珍

曰萎說文作痿云薑屬可以香口其莖柔葉細而根多鬚綏綏然也張騫使西域始得種歸故名胡萎今呼爲蘆萎乃莖葉布散之貌俗作芫花之芫非

蔥 俗名大蔥小蔥冬初分蒔春初生黃芽者名羊角蔥莖葉曲折而生者名龍爪蔥羣芳譜蔥一名朮一名菜伯一名和事草一名鹿胎有數種一凍蔥卽冬蔥夏衰冬盛莖葉氣味俱軟美食用入藥最善分莖栽蒔而無子人稱慈蔥又稱大官蔥一種樓蔥人呼爲龍角蔥龍爪蔥皮赤莖上生根移下種之亦冬蔥之類每莖上葉出歧如八角故名蔥脚子

沙蔥 似蔥而細產沙漠中

蒜 紅白二種其莖更佳有多瓣者有獨根者 本草綱目蒜一名小蒜一名茆蒜葫一名大蒜李時珍曰家蒜有二種根莖俱

古浪縣志

卷六

五

涼州城內東大街
河西印刷局承印

小而瓣少甚辣者蒜也小蒜也根莖俱大而瓣多辛而帶甘者葫也大蒜也孫愐唐韻張騫使西域始得大蒜葫萎則小蒜乃中土舊有而大蒜出胡地

辣椒 俗名辣子又名辣角苗高二三尺葉大而尖花黃色結角始綠色秋老則紅 本草綱目食茱萸一名辣子陳旻堯食物宜忌食茱萸卽辣茄

百合 古浪產者少只足看花不足供食 本草綱目百合一名翻一名蒜腦諸李時珍曰百合之根以衆瓣合成者也其根如大蒜其味如山藷

土芋 卽羊芋俗名山藥形圓皮黃肉白有大如盃者續通志土芋一名土卵一名土豆又名馬鈴薯

沙芥 似辣菜而小產北境沙漠中

刀豆 綠紫白三種紫者形最大色如茄子羣芳譜刀豆一名挾劍豆夾長者微似皂夾

茄子 土靖產者多有二種一形圓如毬俗名流星茄一形長一二尺粗如兒臂種者最多其色俱紫 續通志茄子一名落蘇一名小菰隋煬帝改爲崑崙紫爪有紫青白三種白者名銀茄紫者名紫膨脖又有水茄

茄藍 俗名茄蓮甘州府志茄藍一名茄蓮葉似藍葶根大味甜脆 羣芳譜擘藍葉大於菘根大於芥苗大於白芥子大於蔓菁本皆在土中獨此在土上

蘿蔔 根長二三寸色半紅半白種有大花纓小花纓大罐半春馬奶頭等名一種質圓長而形最大秋種冬收俗名冬蘿蔔本草綱目萊服一名蘆菔一名蘿蔔蘇頌曰萊服有大小二種

古浪縣志

卷六

六

涼州城內東大街
河西印刷局承印

大者肉堅宜蒸食小者白脆宜生啖

地蕒 根如小脂多節味甘脆羣芳譜秬樓一名地蕒與此異種天鵝蛋 形扁圓皮色鮮紅肉白大者如拳氣味與蘿蔔同羣芳譜萊服其根有紅白二色其狀有長圓二種此種當卽其圓而紅者

珍珠蘿蔔 俗名末蘿蔔大如指頂而圓皮肉俱白色甘脆同蘿蔔而不甚辛 蘭州府志蘿蔔小者名珍珠蘿蔔

水蘿蔔 羣芳譜水蘿蔔形細而長有大如臂長七八寸者蔓菁 菜根大而圓味甜

胡蘿蔔 味同蘿蔔不辛有紅黃二種長五六寸其色皮肉如一惟中心作杏黃色 本草綱目胡蘿蔔元時始自胡地來氣似蘿蔔故名

圓根 或謂圓把似蘿蔔而味甜

龍鬚菜 俗名頭髮菜黑色產北境沙漠中續通志龍鬚菜一名

麒麟菜生東海邊石上叢生無枝葉花木考又名繪菜應卽此

種髮菜土靖產者每年約百數十石

磨菰葷 俗名毛菇 本草綱目磨菰葷一名肉葷李時珍曰磨

菰長二三寸本小末大色白柔輒其中空虛狀如未開時玉簪

花俗名鷄鞍磨菰謂其味如鷄也

地耳 俗名地捲皮或名地輓 續通志地耳一名地踏菰春夏

生雨中雨後卽早採之

蕨 俗名蕨麻 爾雅蕨醃注初生無葉可食江南謂之醃 埤

雅蕨初生無葉狀如雀足之拳又如人足之蹶故謂之蕨 甘

肅舊通志蕨可作蔬根可搗粉又俗名壽菓狀如珠

古浪縣志

卷六

七

涼州城內東大街
河西印刷局承印

苦苣 一名苦蕒一名蕒蕒菜初生根白如銀條可食 本草綱

目苦菜一名茶一名茶苦蕒一名苦蕒李時珍曰苦蕒葉似花

蘿蔔色綠開黃花莖有白汁卽詩所謂芑也

苜蓿 甘肅新通志漢使從西域持歸詔種初生可作蔬老可飼

馬亦可備荒產於古浪東北鄉者多

土參 舊志形似參而不堅味極甘春秋月掘土取之蒸食產山

田中俗名野胡蘿蔔

同蒿 生野中初生可食蒿之類甚多氣味各異名亦不同有蓬

蒿詩召南彼茁者蓬又青蒿一名散詩小雅食野之蒿又牡蒿

一名蔚三月生七月華八月爲角似小豆角銳而長詩小雅匪

莪伊蔚又曰蒿一名繫詩召南於以采繫又香蒿一名蕭白葉

莖麤科生有香氣詩大雅取蕭祭脂又賴蒿一名萃葉青白莖

如筋而肥輕始生香可食詩小雅食野之萃 埤雅晏子曰蒿草之高也郭璞曰蒿春時各有名皆可食至秋皆通呼爲蒿矣石花菜 出南山中石上

冬鹹菜 俗名卞他葉子葉味鹹可食
紫菜 俗名鳳縷花初生葉可食

菓類

蘋菓 土靖產多不及皋蘭之大 續通志柰有青赤白三種梵人謂之蘋婆樹似林檎而大果如梨而圓滑光潔可愛玩香聞數步味甘鬆梵人謂之蘋婆果 羣芳譜柰一名蘋婆味酸微澀蘋菓生青熟則半紅半白或全紅味甘鬆葉可作茶

林檎 俗名紅果子一名紅林檎又名紅檎一名來禽將熟時禽來啄雨霽日烘則半紅半白或全紅味甘而酸 續通志林禽

古浪縣志

卷六

八

涼州城內東大街
河西印刷局承印

一名來禽一名文林郎果

柰子 古煖泉壩有產者不多味亦不及張掖

楸子 亦名柰俗名楸子色赤味甘酸 唐書土貢有冬柰產甘州者佳土人取其汁煎爲膏印花紋名曰果丹皮食性本草云柰有三種大而長者爲柰圓者爲林檎皆夏熟小者爲拊秋熟一名秋子李時珍曰林檎味酢者卽楸子也甘酸小於沙果

檀 音詐俗名輓兒產土靖雙搭等堡者最多旣下樹皮置之候輓乃可食亦消煤氣此果可久藏至冬經春猶可食凍時入水卽消

長把梨 狀如鷄髀梨而大生青熟黃漿多味甘氣馥不耐久藏甘肅新通志云有黑梨者冬月旣凍色如墨乃佳可消煤毒卽此種

李 舊名朱李 續通志李一名嘉慶子 本草綱目羣芳譜俱作嘉慶子齊民要術李性耐久樹後三十年雖枝枯子亦不細杏 音衡俗名杏子接杏大如梨味最上 羣芳譜杏一名甜梅實如彈丸有大如梨者種類不一有苦核甜核之別櫻桃 本草綱目櫻桃一名罵桃一名含桃一名荆桃此乃櫻作桃也以其形肖桃故曰桃 羣芳譜櫻桃結子一枝數十顆圓如珊瑚色深紅爲朱纓葡萄 有水晶鷄心瑣瑣等名古浪所產者水晶葡萄也土靖各壩多有 本草綱目葡萄一名蒲桃一名草龍珠漢書言張騫使西域始得此種還而神農本草已有葡萄則漢以前已有葡萄特未入關耳

延壽果 卽蕨麻之形如圓珠者祝壽者多用之故名

古浪縣志

卷六

九

涼州城內東大街

河西印刷局承印

菘類

菘音裸說文在木曰果在地曰菘一說植生曰果蔓生曰菘應劭曰木實曰果草實曰菘張晏曰有核曰果無核曰菘

甘瓜 俗名甜瓜種自哈密來故又名哈密瓜 三國志魏文帝與吳質書浮甘瓜於清泉卽此 續通志甘瓜一名甜瓜一名果瓜土煖新河產者佳

醉瓜 甜瓜別種種自回疆來實圓如毬味甘如蜜漿多且有酒氣故名其皮麤紋深者名癢皮瓜皮細紋淺者名縐紬瓜環上結一小頂者名回回帽瓢綠者尤佳

香脆瓜 長約二三寸環圓寔銳者有界紋如全瓜子如醉瓜子而小皮有青綠黃白四色瓢有黃綠兩色而皮瓢綠者尤甘脆味香

西瓜 種類最多皮有青白綠黑數種子有黑赤白三色瓢有紅白黃綠四色夏瓜皮薄秋瓜皮厚子赤而皮薄有繡者味又勝羣芳譜西瓜一名寒瓜舊傳種自西域來故名 五代史蕭翰破回紇得種歸 又五代邵陽令胡嶠於回紇得瓜種歸以牛糞種之結實大如斗味甘名曰西瓜

北瓜 俗名麥子瓜又名梨瓜子味與甜瓜同而較小皮有青綠二色甚薄瓢似朱砂子如麥粒 續通志北瓜形如西瓜而小皮薄瓢紅較西瓜微小狹長味甘美

南瓜 俗名倭瓜又名金瓜形橫圓豎扁皮分紅綠黃三色瓢之色味皆同 羣芳譜南瓜結實形橫圓而豎扁色黃有白紋界之微凹煮熟食味麵而膩亦可和肉作羹李時珍曰南瓜或綠或紅其肉厚色黃不可生食 王禎農書云陰瓜秋熟色黃如

古浪縣志

卷六

十

涼州城內東大街
河西印刷局承印

金皮厚可藏至春疑卽南瓜甘州府志南瓜俗名窩瓜古浪俗名窩胡蘆

番南瓜 狀如南瓜俗名番瓜

胡瓜 俗名黃瓜蔓縈地上瓜長尺餘麤如兒臂子多漿亦多色青綠腰有微刺如粟粒味甘宜生食 本草綱目胡瓜一名黃瓜陳藏器曰北人避石勒諱改呼黃瓜李時珍曰張騫使西域得種故名胡瓜 杜寶拾遺錄云隋大業四年避諱改胡瓜爲黃瓜今俗以月令王瓜卽此誤矣考王瓜土瓜也

壺盧 大小形狀不一亞腰而小者俗名藥壺盧亦有大小二種 廣志曰有大小二種又曰壺酒器也盧飲器也此物各象其形又可爲酒飯之器因名俗作葫蘆非矣葫乃蒜名蘆乃葦屬也

桑椹 古浪產者葉小椹多椹有紫白二色白者味甜

花類

珍珠花 四五月開小白花未開時皆小白珠如珍珠故名 花

鏡珠花 一名玉屑葉如金雀而枝幹長大

翠雀 花藍色兩瓣旁開如翠雀飛故名

紫葵 俗名紫葵花子花皆重瓣而色紫染色獨用則青而紫與

槐子合則綠

萱 俗名攢草凡數種花有重瓣單瓣色有深黃淺黃其深黃者

或名金針或名黃花菜 羣芳譜萱通作護一名忘憂草一名

療愁一名宜男惟黃如蜜色者清香春食苗夏食花婦人懷孕

佩其花必生男 李時珍曰今人採花陰乾而貨之名黃花菜

一名金針因花中雌蕊一長於雄蕊如金針然故名

古浪縣志

卷六

十一

涼州城內東大街
河西印刷局承印

馬蘭 俗名馬蓮叢生夏時開紫花 李時珍曰其葉似蘭而大

其花似菊而紫故名俗稱物之大者為馬二月生苗赤莖白根

長葉入夏高二三尺開紫花花罷有子當即此種

春蘭 俗名野馬蓮花 趙學敏本草綱目拾遺草蘭葉短而狹

小春花者名春蘭秋花者名秋蘭皆一花一幹此即春蘭也

牡丹 名色甚多有紅白紫各色單瓣千葉各種俱有清香 本

草綱目牡丹一名鼠姑一名鹿韭一名木芍藥李時珍曰羣花

品中以牡丹為第一芍藥第二故世謂芍藥為花相牡丹為花

王

荷包牡丹 草本根可分栽 花鏡荷包牡丹一名魚兒牡丹以

其葉類牡丹花似荷包得名一幹十餘朶色最嬌艷俗名荷包

花

芍藥 有紫赤粉紅四色單瓣滿心兩種根可入藥花鏡芍藥古
名將離一名餘容又名婪尾春初夏開花有紅紫黃白數色名
目有百種

山丹 俗名山丹花 羣芳譜山丹一名連珠一名紅花菜一名
紅百合根似百合體小而瓣少莖亦短小葉狹長而尖頗似柳
葉開花亦瓣下垂俗名野百合

鳳仙 俗名海納 羣芳譜鳳仙一名海納一名旱珍珠一名小
桃紅一名染指甲草其花頭翅尾羽俱翹然如鳳狀故名又俗
名透骨草

鷄冠花 土靖產 續通志鷄冠花有紅黃白三色其穗圓長而
尖者儼如青箱之穗扁卷而平者儼如雄鷄之冠最耐久霜後
始薦

古浪縣志

卷六

十二

涼州城內東大街
河西印刷局承印

金盞花 俗名燈盞花 羣芳譜金盞花一名長春花一名杏葉
草莖高四五寸葉似柳葉厚長而狹花大如指頂開日甚多土
人用其蕊以染饃

繡毬梅 花有紅白二色味甚香 本草花有紫白二色不分瓣
而上有界紋邊有鋸齒下看酷似六月菊其蒂色綠圓如小毬
故名

粉團 野生花甚多色甚雜 本草綱目拾遺粉團花有大小二
種其花千瓣成簇根可做紙

玫瑰 紅黃二種紅者味甚香 羣芳譜玫瑰一名徘徊花細葉
多刺類薔薇花嬌艷芬馥有香有色

刺藤 俗名刺梅紅黃二種瓣有重單 羣芳譜刺藤灌生莖多
刺花似玫瑰而小 花鏡縹絲花一名刺藤

月季 羣芳譜月季花一名長春花一名月月紅一名鬪雪紅一名勝春灌生葉小於薔薇莖與葉俱有刺花有紅白及淡紅三色

石榴 有盆養者花千層者大如茶甌色極艷而不結實 羣芳譜石榴一名丹若漢張騫使西域得其種以歸故名安石榴

蜀葵 俗名蜀季花一名露葵一名戎葵一名衛足一名一丈紅向日葵 一名百鳥朝鳳 花鏡向日葵一名西番葵高一二丈葉大於蜀葵幹頂只一花黃瓣大心其形如盤隨日回轉子最繁

芙蓉 花重瓣色粉紅往年古浪無此種近年土門堡有一株定寧寨有一株今歲縣城內亦有一株矣六月開花最耐久

菊 以根分蒔者九月菊以子種者八月菊九月菊最盛凡數十

古浪縣志

卷六

十三

涼州城內東大街
河西印刷局承印

種八月菊色最雜花亦耐久 羣芳譜菊一名治籬一名日精一名節花一名延年一名帝女花 埤雅菊本作鞠從鞠窮也花事至此而窮盡也十五年前縣城有一家盆養九月菊百餘種花時清艷異常今亦烏有矣可慨

洋菊 種自西洋來其類亦多

旱金蓮 一名五臺蓮 五臺山志山有旱金蓮如真金挺生陸地

藏金蓮 俗名西番蓮 羣芳譜西番蓮花雅淡似菊有名月下西施者自夏至秋相繼不絕

臭香梅 花開如金色最耐久開輒數月惟嗅之有臭故名

夾竹桃 有盆養者 羣芳譜夾竹桃花五瓣長筒微尖淡紅色嬌艷頗類桃花葉狹長類竹故名夾竹桃

水紅花 一名蓼 一名水紅花 其類甚多 春苗夏茂 秋花花開 蓓
纍而細長 二寸許 枝下垂 色紛紅 本草綱目謂之葢草

金鈴花 卽沙棗花 花開香聞數里

石竹 畢麻 清香魁 神仙壺蘆 青鼎竹 紫荊 洋水蓬

金錢菊 蚨靈胡蘆 七月菊 洋喇扒 花池塘 雪白菊

五色繡球 無花果 洋繡球 洋青魁 觀音柳 金瓜壺蘆

仙人掌 雞蛋壺蘆 香蓮花 洋葵花 一種二色 王石

竹 冠上加冠 大秋梅 富貴梅 麝香連理草 除虫菊

洋蝴蝶 秋仙梅 佛玉燈 美女 撫子 龍柏

自石竹以下數十種種從京滬來土靖盆養者甚多

木類

松 有二種 曰油松 曰塔兒松 古浪油松 少塔松 多花鏡闊瓣厚

古浪縣志

卷六

十四

涼州城內東大街
河西印刷局承印

者羅漢松也 羣芳譜七鍼者爲果松 松子實如豬心 疊成鱗

砌子長則鱗裂

柏 葉扁者爲扁柏 羣芳譜柏一名櫟木 屬陽而柏向陰 指西

蓋木之有貞德者

檜 爾雅柏葉松身曰檜 土門堡柏臺之柏皆松身 疑卽檜也

羣芳譜檜葉堅硬亦謂之栝 今人名圓柏以別側柏

榆 羣芳譜榆一名蘊莖 有赤白二種 白者名扮木 甚高大 莢形

圓如小錢 故名榆錢

楊 羣芳譜楊有二種 白楊葉似梨葉而稍厚 大淡青色 背有白

茸 樹身聳直 微帶白色 青楊身亦聳直 材可取用 葉似杏葉而

稍大 色青綠

敏白楊 樹身聳直 枝亦上束

柳 花鏡柳一名官柳一名垂柳枝條長軟葉青而狹長初春生柔莢寸許開黃花結子帶白絮如絨乃官柳也長條數尺或至丈餘孃孃下垂者爲垂柳

紅柳 檉俗名紅柳 爾雅檉河柳注今河旁赤莖小柳 本草綱目檉柳一名人柳一名觀音柳 花鏡檉柳一名西河柳

樺 本草綱目樺木一名檉李時珍曰其木色黃有小斑點紅色能收肥賦其皮厚而輕虛柔輒匠家用以襯鞞及爲刀把之類

竹 有大小二種古浪產小者俗名毛竹 蘭州府志竹小者名慈竹皋蘭偶有之 本草綱目慈竹一名義竹叢生不散人栽

爲玩景

槐 土靖有產者老槐云百年餘質堅重可爲器具寸木皆屬有用

古浪縣志

卷六

十五

涼州城內東大街
河西印刷局承印

沙棗木 甘肅新通志云質堅細有花紋作棹几盤匣等物佳

梲子 皂角 野白楊 大柳四樹產山中

桑 舊有者葉小椹多椹有紫白二色白者味甜光緒初總督左

宗棠自浙省購秧數百萬株給民分栽於是始有葉大者十三

年布政使譚繼洵購椹子試種成秧數十萬株令民移栽葉較

浙桑差小俱椹少葉多 附錄布政使譚繼洵告示照得樹桑

養蠶其利甚溥考之蠶桑書云每桑一株約採葉三四十斤有

桑五株可養一斤絲之蠶每地一畝種桑四五十株收絲八九

斤值銀十餘兩不等以一畝地而所獲如此之多利莫厚於此

矣現查甘省各屬多貪種罌粟之利而不知蠶桑之利更大種

罌粟一畝僅獲銀數兩而止種桑則加數倍且種罌粟則廢膏

腴種桑則路旁隄畔隨處皆宜種罌粟則妨農功養蠶則家人

婦子皆能從事種蠶粟則勤勞三時養蠶則祇用農隙種蠶粟則歲祇一收種桑則利可久享種蠶粟則旱澇易傷種桑則凶荒有備種蠶粟則田有賦稅種桑則地無徵輸種蠶粟則流毒生民種桑則暖被天下功孰難而孰易利孰少而孰多爾等試詳思之未有不恍然悟者或謂甘省地氣高寒不宜蠶桑不知凡可以種樹之處卽無不可以種桑有桑卽可以養蠶况蠶事見於爾風爾卽今之邠州距甘省不遠此甘省宜於蠶桑之明證也或謂蠶桑之利甚遲不知地道敏樹而桑又本易生之物種桑子二三年可長五六尺卽可採以飼蠶若接桑枝壓桑條則不過一二年耳利亦何嘗甚遲或謂甘省桑葉必俟四五月始能發生蠶出早無葉可喂殊屬不然本司歷年由甘南取來蠶種在省城試辦先放陰涼之處蠶蟻不出迨桑葉發出將蠶

古浪縣志

卷六

十六

漳州城內東大街
河西印刷局承印

移置暖處蠶蟻卽出如法喂養結繭均厚實光瑩縹絲亦好此甘省試辦蠶桑已驗之成效也本司前任鞏秦階道時曾勸諭民間種桑由漢中購買桑子分給各屬並頒發蠶桑簡編令地方官詳細教導現桑葉亦可飼蠶結繭所獲絲繭酌定價值收買茲擬以此法行之通省除將蠶桑簡編並由漢中採買桑子分發各廳州縣轉發外合行示諭爲此示仰軍民人等知悉卽便遵照成法種桑養蠶如取獲絲繭在近省地方者卽送交本司衙門過秤給價離省較遠之處卽送至本地方官衙門本司已飭令地方官收買當面過秤立時按照勛兩核算先行墊給價值由本司如數發還或銀或錢均聽爾等自便經手人等如有秤多報少勒抑短價情弊許卽喊稟以憑嚴究並令卽赴本管地方官衙門請領蠶桑簡編並所發桑子遵照成法布種倘

草類

敢再行偷種罌粟一經查出定即嚴懲不貸

藍 俗名靛往年無近年土靖始種頗佳 羣芳譜藍染草也有

數種大藍葉如蒿苳而肥厚小藍莖赤葉綠而小槐藍葉如槐葉皆可作靛

紅花 羣芳譜紅花一名紅藍一名黃藍葉綠似蘭有刺其花可染真紅及作胭脂子可榨油

紫草 本草綱目紫草一名紫丹一名紫芙一名地血李時珍曰此草花紫根紫可以染紫故名爾雅作茈草

苜蓿 羣芳譜苜蓿一名木粟一名風光草一名連枝草張騫自大宛得種歸今處處有之

馬蘭 即馬蘭俗名馬連 禮月令仲冬之月荔挺出鄭注荔馬

古浪縣志

卷六

十七

涼州城內東大街河西印刷局承印

薺也 方輿紀要馬蘭之蘭如連於馬蘭薺皆書作連

艾 爾雅艾冰臺注今艾蒿 本草綱目一名醫草李時珍曰艾可又疾久而彌善故字從乂醫家用灸百病故曰灸草

萆蓆 俗名萆萆織席陶索蓋屋其用甚廣舊志稱萆萆甘州志稱藉藉武威志稱席萆依舊志定為萆萆庶與土音合也

灰藿 俗名灰條 羣芳譜灰藿一名灰滌菜一名今瑄天今譌為灰條菜為蔬亦可

藟草 葉窄於韭長尺許生崖根渠溝坡馬牛羊俱喜食之

沙蓬 其子俗名沙米產北境沙漠中

蓬稞 燒灰麵食中用之產大靖北邊

駱駝蓬 一名綠菰 元史世祖本紀至元十八年秋七月辛酉索多征占城賜駝蓬以避瘴毒字典駝與駝同

沙蓇草 產於土靖北邊沙蹟中細如絲長二三尺柔韌土著絢索歲易錢數十百仟

沙竹 產沙中又曰細辛一莖直上梗如竹人呼爲沙竹杆子其實草類也

菸草 一名煙草一名芸香產皋蘭者最佳近年來古之大靖亦多種菸草製造菸塊銷售於外

刺蓬 水蓬 綿蓬 甘肅新通志刺蓬水蓬綿蓬子皆可食遇旱山民採以充饑然有無不常

萱麻 本名蕪麻俗譌爲萱初生可食老則葉有芒刺觸之如爲蜂螫所螫語載甘肅新通志

卡踏葉子 湘人名曰冬鹹菜葉圓如掌大可食
倒生草 俗名繆繆子字典繆音然相黏著也舊志莖葉似蘆而

古浪縣志

卷六

十八

涼州城內東大街
河西印刷局承印

極細田中有則妨耕鋤

麻 卽大麻也近年土靖始有種者

藥類

甘草 俗名甘甘草 本草綱目甘草一名靈通一名國老陶宏景曰此草爲衆藥之主猶如香中之有沉香也

肉蓯蓉 生沙磧腴土中開紫花根深四五尺有鱗所生處雖嚴冬雪亦融化故易採取之 本草綱目肉蓯蓉一名黑司命

李時珍曰此物補而不峻故有蓯蓉之名
瑯陽 生鹹灘中初生如筆色紅嚴冬掘取之則氣味凝聚可代

蓯蓉若春生葉則氣散無紋故曰三秋瑯陽 陶九成輟耕錄瑯陽如筍上豐下儉鱗甲比櫛筋脈連屬卽肉蓯蓉之類

遠志 能通腎氣上達於心故補精益智 爾雅蓂注今遠志也

似麻黃赤莖葉銳而黃其上謂之小草益智強志故有遠志之名

淫羊藿 羊精洒地而生 本草綱目淫羊藿一名仙靈脾益精氣強筋骨

升麻 表散風邪提陽氣 本草綱目升麻一名周麻李時珍曰其葉似麻其性上升故名

柴胡 本草綱目柴胡一名茈胡一名地薰李時珍曰茈胡之茈音柴柴胡生山中嫩則可茹老則采而爲柴故名

前胡 孫緬唐韻前胡作湍胡陶宏景曰根似柴胡而柔輒李時珍曰前胡有數種北地產者勝

秦芫 俗名編根一統志平肝之藥柴胡解表秦芫解裏 續通志秦芫本名秦紉俗作秦膠出秦中以根作羅紋絞糾者佳故

古浪縣志

卷六

十九

涼州城內東大街
河西印刷局承印

名 蕭炳謂之秦瓜

防風 俗名馬纓子能防禦外風故名 本草綱目防風一名銅芸一名屏風一名簡根李時珍曰防者禦也其功療風最要故名

羌活 其幹可製燭故俗名蠟燭杆 本草綱目獨活一名羌活一名獨搖草一名長生草別錄曰此草得風不搖無風自動李

時珍曰獨活羌活乃一類二種中國者爲獨活西羌者爲羌活以羌中來者爲良蘇頌曰獨活羌活二物同一類今人以紫色而節密者爲羌活黃色而作塊者爲獨活古方但用獨活今既用獨活又用羌活謬矣

當歸 活血生血要藥 本草綱目當歸一名乾歸一名山蕲一名文無李時珍曰秦歸尾多頭圓色紫氣香肥潤者名馬尾歸

茅香 產山中俗名毛香 本草綱目茅香一名香麻李時珍曰
茅香有二此一種香茅也其白茅香別是南番一種香草

木香 產土靖 本草綱目木香一名蜜香一名青木香李時珍
曰木香草類也本名蜜香謂其香氣如蜜也因沉香中有蜜香

遂譌為木香
荊芥 俗名野荊芥 本草綱目假蘇一名薑芥一名荊芥李時
珍曰氣味辛香如蘇如薑如芥也

益母草 爾雅注今芫蔚也葉似荏方莖白華華生節間又名益
母陸機詩疏雍益母也故曾子見之為之感思

茵陳 俗名青蒿 本草作因塵 陳藏器曰此雖蒿類經冬不
死更因舊苗而生故名茵陳

旋覆花 俗名金浮草 本草綱目旋覆花一名金沸草一名金

古浪縣志

卷六

二十

涼州城內東大街
河西印刷局承印

錢花一名滴滴金李時珍曰爾雅覆盜庚庚者金也謂其夏開
黃花盜竊金氣耳

菴耳 俗名豬耳朵 爾雅泉耳也亦云胡泉江東呼曰常泉或
曰芥耳形似豬耳叢生如盤詩周南采采卷耳

麻黃 各處有專司冬令寒令寒邪為發散第一藥 本草綱目
麻黃一名龍沙廣雅龍沙麻黃也狗骨麻黃根也

葶藶 俗名大辣辣 爾雅葶藶亭藶注實葉皆似芥一名狗薺李
時珍曰狗芥即亭藶有甜苦二味

車前 俗名豬耳朵穗 爾雅芑芑馬烏今車前草大葉長穗好
生道邊詩采采芑芑一名馬烏一名當道草喜在牛迹中生今

藥中車前子也
蒺藜 俗名辣顆子或云茨棵子 爾雅茨蒺藜布地蔓生細葉

子有三角刺人詩楚楚者茨是也

大黃 本草綱目大黃一名黃良一名將軍陶宏景曰大黃其色

將軍取其駿快也李杲曰推陳致新如戡定禍亂以致太平

故有將軍之號

蓖麻 俗名刺蝟子 圖經蓖麻葉似大麻子形宛如牛婢 李

時珍曰蓖亦作蠶蠧牛蝨也其子有麻點故名蓖麻仁有油可

作印色及油紙

葇荳 俗名天仙子又名天旋子 李時珍曰葇荳一作藺蕪其

子及根服之令人狂浪放宕故名葇荳

牽牛 卽二丑 本草綱目牽牛子一名黑丑一名草金鈴 陶

宏景曰此葯始出田野人牽牛謝藥故以名之白者爲白丑蓋

以丑屬牛也

古浪縣志

卷六

二十一

涼州城內東大街
河西印刷局承印

何首烏 本草綱目一名交藤一名夜合有赤白二種赤者雄白

者雌因何首烏服而得名也

蒲公英 俗名黃花郎 羣芳譜蒲公英一名金簪花一名黃花

地丁莖葉花絮並似苦蕒花色黃如金錢莖葉斷之皆有白汁

高等理科云蒲公英之根多肉而柔內貯養分與萊菔根相似

此等謂之宿根宿根者每至春際則將根中所貯之養分乃發

爲新生之莖葉入藥者卽根也

地椒 本草地椒苗覆地蔓生莖葉甚細花作小朵色紫白李時

珍曰地椒卽蔓椒之小者

金櫻 本草綱目金櫻子一名刺梨子一名山石榴李時珍曰金

櫻當作金罌謂其子形如黃罌也

枸杞 俗名狗蹄子刺 本草綱目枸杞一名狗棘一名苦杞李

時珍曰枸杞二樹名樹大葉厚根麤子圓如罌桃緊小少核乾益紅潤

茴香 一名蘘香粒大小有兩種曰大小茴香 本草綱目蘘香一名茴香李時珍曰茴香結子大如麥粒輕而有細稜俗呼爲大茴香小者爲小茴香

芍藥 赤白二種白洩肝火安脾肺固腠理赤散淤血

丹皮 卽牡丹皮涼血生血故治骨熱

紫蘇 溫中散風寒下氣安胎消痰定喘

細辛 一莖直上梗俗名沙竹竿 本草能散風邪及咳嗽上氣

白芨 入肺止吐血油調末治湯火傷

款冬花 治咳要藥

白芥子 消痰

古浪縣志

卷六

二十二

涼州城內東大街
河西印刷局承印

射干 俗名野馬蓮花根治喉痺咽痛之要品

百合 種者少野者多

黃精 間有不常苗名筆管菜填精髓助筋骨除風溼

菟絲子 多產於胡麻地中強陰益精而不過燥

骨碎補 一名猴薑大靖產補腎能治耳鳴久瀉

地骨皮 卽枸杞根

香附子 開鬱消痰血中之氣藥也俗名沙草根

艾葉 陳者愈佳

牛蒡子 俗名鬚鬚子又名鼠黏子身有刺用以塞鼠穴故名利

咽膈消疽理痰

王不流行 俗名紅娘花出麥田中

狼毒 卽粉團花根治瘡毒

粟殼 止久瀉久痢

萊菔子 俗名蘿蔔子能尅麵食亦能消痰

柏子仁 養心潤腎助脾補肝

側柏葉 止血

杏仁 苦者止咳下氣

槐花槐子

桑白皮 清肺止嗽

寒水石 礮根

石膏 俗名糜糜石

燄硝

鹿茸 南山一帶出茸如朽木者佳

麝香 南山一帶出

古浪縣志

卷六

二十三

涼州城內東大街
河西印刷局承印

五靈脂 俗名寒嚙虫糞出於糞土及崖中

望月沙 卽兔子糞

夜明沙 卽夜蝙蝠糞

班蝥 俗名糞虫子又名剪子虫

蒼朮 生山中

禽類

鴻雁 俗名長頸雁 案玉篇大曰鴻小曰雁博物志雁色蒼而

鴻色白雁多羣而鴻少侶理科云雁性喜合羣恆排列成行高

飛天空其狀如鷺足下有蹼故又能游泳水中性畏極寒極暖

冬日則由北而南夏日則由南而北

鷓鴣 案本草綱目鷓鴣一名鷓一名水老鷓李時珍曰鷓鴣似

鴉而小色黑亦如鴉長喙微曲吐而生子

百舌 俗名百靈一通志百舌一名反舌一名鵲鵲狀如鸛鶴而小蒼毛尖喙好食蚯蚓

烏 俗名烏鴉說文名孝烏爾雅純黑而反哺者謂之烏 本草綱目慈鳥一名慈鴉一名孝鳥一名寒鴉李時珍曰此鳥初生母哺六十日長則反哺六十日可謂慈孝矣

鸞 俗亦名鴉 案爾雅鸞斯鸛鷓郭注雅鳥也小而多羣腹下白廣雅小而腹下白不反哺者謂之雅鳥

鷓 俗名紅嘴鴉 爾雅鷓山鳥郭注似烏而小赤嘴穴乳出西方

烏鴉 俗名老哇又名鷓鷓哇大如鷓鷓色純黑其鳴鴉鴉 本草綱目鴉一名大嘴烏

鵲 俗名喜鵲 本草綱目一名喜鵲一名乾鵲一名飛駿馬李

古浪縣志

卷六

二十四

涼州城內東大街
河西印刷局承印

時珍曰鵲大如鴉而長尾尖嘴黑爪綠背白腹尾翮黑白駁雜

鴛 俗名剝木蟲 案爾雅鴛斲木 本草綱目啄木鳥一名斲木一名鴛 異物志云啄木有大有小有褐有斑褐者是雌斑者是雄山中有一種青黑色頭上有紅毛土人呼爲山啄木又名火啄木

斑鳩 大小種類甚多俗統名爲斑鳩 本草綱目斑鳩一名錦鳩

鶉鳩 其鳴聲曰姑姑登俗因名之似鶉差小褐色無斑 六書考斑鳩差小者頸有白斑點聲若布穀

鴿 俗名鴿子 說文鴿鳩屬也 李時珍曰處處人家畜之亦有野鴿名品雖多大要羽毛不過青白皂綠鴿斑數色眼目有大小黃赤綠色而已 埤雅鴿喜合凡鳥雄乘雌鴿則雌乘雄

黃鸝 俗名火炎哨 案會韻黃鸝倉庚也一名黃鶯 本草綱目鸛一名黃鸝李時珍曰鸛大於鳩鴿體毛黃色羽及尾有黑色相間黑肩尖嘴青腳其音圓滑如織機聲 郭景純云其色黧黑而黃因名之

畫眉 續通志畫眉似鶯而小黃黑色其眉如畫巧作千聲如百舌

桑扈 俗名蠟嘴 本草綱目桑扈一名竊脂一名蠟嘴李時珍曰扈意同扈止也今考古浪此鳥嘴黃如蠟故名

麻鷄 俗名麻略狀似金翅毛色青黃而鳴聲清揚宛轉人多畜之 集韻鷄有繆留聊三音今音從聊

山雀 俗名麻雀似家雀稍大而嘴脚微長

花雀 似山雀而小翅尾青黑飛時兼露白彩

古浪縣志

卷六

一二十五

涼州城內東大街
河西印刷局承印

紫燕 俗名燕兒子 本草綱目燕一名乙鳥一名元鳥一名天

女 陶宏景曰燕有兩種紫胸輕小者越燕斑黑而聲大者胡燕李時珍曰燕如雀身長籤口豐頷布翅歧尾

胡燕 俗名沙燕又名馬燕形如火燕而大身褐色羣飛按高等理科教授法云燕候鳥也至秋日行踪杳然燕本爲暖地之鳥我國所見者常從南洋羣島渡海而來一至秋季不但氣候漸寒爲不適宜卽其所食之昆蟲亦無缺乏食物不能淹留仍返於南方而過冬是以北方不見至翌春再來其棲處隨氣候而轉移故謂候鳥他如雁鳧等亦爲候鳥秋向南來春向北去與燕代飛蓋因其所食之物不同故耳時至春季燕乃歸來復尋前年舊巢而新之巢係泥土和草粘成形制堅巧雌者產卵其中與雄者迭相守護待卵孵化雌雄合力捕虫以哺之至雛燕

能飛則去母巢而別營新巢 燕嘴齧故能飛行捕食蟲類

鳴雉 俗名鳴鳴雉又名鳴鳴鷓 說文作鳴雉似鷓而大修尾

黃背翅下及腹兼紅藍白三色頂有長毛如鷄冠或赤或黃其

名自呼見人則撲喘一聲冠毛開裂氣甚燥故又名燥鳴鳴

爾雅鳴雉郭注黃色名自呼

鷓 俗名沙鷓 字典注鷓鳩大如鷓似雌雉鼠腳無後距歧尾

為鳥慙急羣飛出北方沙漠地一名寇雉

雁鷓 俗名馬鷓似山鷓而大嘴腳皆赤無冠身灰褐色或青翠

色目上有長白毛如眉其尾可為翎綫

半翅 狀似山鷓而小嘴距紅身褐色而兼紅彩翅短故名羣飛

不能及遠多集山澗畔

雉 俗名野鷓 本草綱目雉一名野鷓寇宗奭曰漢呂太后名

古浪縣志

卷六

二十六

涼州城內東大街
河西印刷局承印

雉高祖改雉為野鷓雄者文彩而尾長雌者尾短而文暗

鵝 本草綱目一名家雁一名舒雁李時珍曰有蒼白二色及大

而垂胡者並綠眼黃喙紅掌善鬪其夜鳴應更

鴨 陸佃云鴨自呼其名 禽經鴨鳴呶呶其名自呼格物論鴨

雄者綠頭文翅雌者黃斑色有純黑純白者

鷄 說文鷄知時畜也徐曰鷄稽也能考時也 埤雅鷄有蜀魯

荆越諸種越鷄小蜀鷄大魯鷄又其大者

雕 一作鷗力能摧斷牛肋 陸佃曰雕似鷹而大食草色黑故

俗呼皂雕 埤雅雕似鷹而大一名鷲其飛上薄雲漢今大雕

翱翔水上扇魚令出沸波攫而食之一名沸河一名鷲羽可為

箭羽

鷓 俗名魚鷹 師古鷲擊之鳥鷹鷓之屬 陸佃曰鷲性好峙

立每立更不移處所謂鶚立 禽經王睢魚屬也

鷹 有黃黑二色俗各以其色名之曰黃鷹黑鷹鷲鳥一名題肩一名征鳥

鷓 俗名鷓鴣 爾雅郭注鷓屬陸機云鷓似鷓黃色燕頰句喙因風急捕鳩鷓燕雀食之

鷓 俗名鷓子似鷹而小又有似鷓而爪目俱黃者俗名黃箭子俱善捉雀

鷓 俗名餓老鷓又名鷓鷹喜翱翔善攫肉食詩鷓飛戾天即此鳴則風生風生則塵埃起盤旋空中攫鷓子食之

鷓 俗名鷓叫子又名鷓鴣子形大於鷓鷹頭目如貓爪如貓足夜鳴入人家則主不祥賈誼賦鷓鴣惡聲之鳥

鷓鴣 亦鷓鴣之類 李時珍曰鷓鴣大於鷓鷹黃黑斑色頭目

古浪縣志

卷六

二十七

涼州城內東大街 河西印刷局承印

如貓有尾角兩耳晝伏夜出鳴則雌雄相喚其聲如老人初若呼後若笑所至多不祥莊子云鷓鴣夜拾蚤察毫末晝出而不

見邱山

蝙蝠 俗名夜別虎即夜蝙蝠之訛 焦氏易林蝙蝠夜藏不敢

晝行 爾雅注齊人呼為蠟蠅或謂之天鼠

鳧 俗名水鴨子 埤雅野鴨為鳧家鴨為鶩水鳥如鴨背上有

文青色卑腳短喙

布穀 俗名種穀虫亦鳩屬與鷓鴣同類將種穀時乃鳴聲亦曰

種穀

寒噤虫 俗名噤寒虫性懶多鳴其糞為五靈脂

獸類

馬 俗名騾馬兒馬驢馬之分又有所謂走馬者以人力調馴之

其價甚昂 說文馬怒也武也 春秋考異記月精爲馬故馬十二月而生 正韻畜生於午稟火氣火不能生木故馬有肝無膽膽木之精氣也木臟不足故食其肝者死

羸 俗作騾羸有二種驢父馬母生者爲羸馬父驢母生者爲騾 騾俗呼驢騾 續通志羸視馬略小視驢則大其行甚健其力在腰又云股有鎖骨不開故不孳乳愚謂其實非也蓋羸以驢馬相交而生則種雜而氣不純故不能生子猶接木之核不能生果也

驢 玉篇云似馬長耳 正字通驢長頰廣額磔耳修尾有褐白黑三色以午及五更初而鳴

牛 有黃黑褐三色俗通謂之黃牛公曰犍牛母曰乳牛身小而馴耕田之外兼以食乳 唐書夏州貢黃牛臆

古浪縣志

卷六

二十八

涼州城內東大街
河西印刷局承印

犛牛 西寧產者多古浪販以供食其毛可爲纓其皮可爲革角可製器

犏牛 黃牛與犛牛交則生犏牛可耕可載性馴而力大耐久牝者資以取乳

羊 俗名絀羊本地產者尾大毛少但通縣民所生息以羊爲大宗皮毛出口歲亦不少 李時珍曰牡羊曰腍曰牂無角曰羴去勢曰羯

羴羴羊 俗名羴羴亦名山羊爬山便捷肉亦鮮美毛有黑白二種可絢索可製口袋

羴羊 俗名黃羊 本草綱目黃羊一名羴羊 李時珍曰其耳甚小狀與羊同但低小細肋腹下帶黃色角似羴羊喜臥沙地生沙漠能善走臥羣至數十

青羊 俗名石羊大如羴羊色青亦有黎色者案此亦山羊之類
野生多產於南山

犬 俗名狗大小名色甚多中有長毛黎色者名獅子狗最小者
名哈巴狗性極靈警禮記疏大者爲犬小者爲狗

豕 俗名豬有黑白花黃四色 本草綱目豕一名猪一名豚一
名豨一名彘一名豮

貓 俗名獾猪油可醫病皮隔潮溼生於山谷中穴居

鹿 縣南大山中最多牡者角生一歲卽解來年再生夏至間獲
之則爲茸乾而解者可熬爲膠皮鞞之可爲衣 爾雅鹿牡曰
麋牝曰麀其子曰麝有力曰麀

麝 俗名香子 本草綱目麝一名射父一名香麝 李時珍曰
麝形似麋黑色其香正陰莖前皮內別有膜帶裏之香烈異常

古浪縣志

卷六

二十九

涼州城內東大街
河西印刷局承印

可入藥

麋 本草綱目麋一名麀 李時珍曰麋似鹿而小黃黑色無香
豺 俗名豺狗 陸佃云俗云瘦如豺豺柴也豺體細瘦故謂之

豺棘

狼 說文狼似犬銳頭白頰高前廣後 李時珍曰其色雜黃黑
亦有蒼灰色者一云肥者爲狼瘦者爲豺

狸 俗作狸名厓臊狐食貓貓見狸則不復逃走故名貓曰狸奴
或取其皮以混舍利

狐 俗名野狐子說文狐妖獸也鬼所乘之有三德其色中和小
前大後死則邱首狐之白者更希貢

兔 有家畜野生二種黑白二色野兔多黃褐色其大如狸形如
鼠而尾短耳大而銳上脣缺而無脾長鬚而前足短

獺 俗名土獺 玉篇獺如貓

猬 俗名刺猬亦作蝟 李時珍曰猬之頭嘴似鼠刺毛似毫豬 蹠縮則形如芟房攢毛外刺尿之則開

鼠 俗名老鼠多灰褐色亦有白者 本草綱目鼠一名鼯鼠一名鼯鼠一 名家鹿 李時珍曰此卽人家常鼠也形似兔而小

鼯鼠 俗名黃鼠 本草綱目黃鼠一名禮鼠一名拱鼠一名鼯 鼠 李時珍曰黃鼠晴暖則出坐穴口見人則交其前足拱而 如揖乃竄入穴

鼯鼠 俗名黃鼠狼大於黃鼠其尾毛可製筆 爾雅註似鼯赤 黃色大尾啖鼠江東呼爲鼯色黃如柚故名

鼯鼠 俗名哈喇 本草綱目注鼯言肥也生西番山澤中 穴土爲窠形似獺土人掘食之蒙古名答刺不花似獺重四五

古浪縣志

卷六

三十

涼州城內東大街
河西印刷局承印

斤入冬則蟄

駝 俗名駱駝 玉篇駱駝一作駝駝師古曰脊上肉鞍隆起高 若封土俗呼封牛或曰駝狀似馬頭似羊長頸垂耳有蒼褐黃 紫數色性耐寒惡熱夏至退毛至盡人欲載輒屈足受之自流 沙千餘里外國無水有伏流駝識其處停不進以足跑地掘之 常得水 古浪土靖等處多畜者藉以運遠方貨物

鱗介類

鯽魚 白黑二種河水中常有 本草綱目鯽形似小鯉體促肚 大脊隆 李時珍曰鯽喜偎泥

鱖魚 俗呼爲脊片魚潦池中多水不乾者常有有鱖

鱖鯉 俗名穿山甲 本草綱目鱖鯉一名龍鯉一名穿山甲 陶宏景曰鱖鯉似鼉而短小似鯉而有四足黑色能陸能水

守宮 俗名蠍虎 本草綱目守宮一名壁宮一名壁虎一名蠍
虎 案本處所有者蠍虎俗名蠍虎子非守宮也守宮一名蜥
蜴古浪無

蚌 俗名蚌蛤大五六分行水中殼分兩扇攜出水則合
蟲豸類

蜜蜂 李時珍曰蜂有三種一在林木或土穴中作房爲野蜂古
浪所產者是也一種人家以器收養者爲家蜂並小而微黃蜜
皆美一種在山巖高峻處作房卽石密也其蜂黑色

蛱蝶 俗名頁貼子又名蝴蝶 李時珍曰蝶蛾類也大曰蝶小
曰蛾其種甚繁皆四翅有粉好嗅花香

蜻蜓 本草綱目蜻蜓一名蜻蛉好飛水際六足四翼

蟬 有二種一種青綠色名綠秋蟬一種褐色有文名麻秋蟬或

古浪縣志

卷六

三十一

涼州城內東大街
河西印刷局承印

名麻蜚形狀大小俱同皆以翼鳴聲大而久

促織 俗名螞蚱小暑後以翼飛鳴八月後止又名蟋蟀

螻蛄 俗名土狗又名土牛 本草綱目螻蛄一名天螻

蚹蟻 俗名鞋底班卽詩伊威 蘇頌曰多在下濕處甕器底及

土坎中

蚯蚓 俗名曲蟾 本草綱目蚯蚓一名蠶螻一名曲蟻 李時

珍曰蚓之行也引而後伸其螻如邱故名

蠶 俗名蠶兒土靖有育者不多 李時珍曰蠶孕絲虫也

蝦蟆 俗名癩河蟆一名蛙古人謂近廬舍無聲者爲蟾蜍近水

澤有聲者爲蝦蟆 王荊公曰俗言蝦蟆懷土取置遠處一夕

復還其所雖或退之常暮而返故名蝦蟆

蝌蚪 俗名河蠃古獨子蓋蝦蟆子生水中皇古之字取象蝌蚪

故名 李時珍曰蝌蚪生水中蝦蟆青鼃之子也

蜘蛛 俗名蛛蛛遺絲爲網以捕蠅虫

蜚蠊 俗名屎爬牛 本草綱目蜚蠊一名蝓蝓一名黑牛兒一

名鐵甲將軍 莊子蝓蝓之智在於轉丸

蠅 俗名蒼蠅秋初甚多

螢 俗名螢火虫雌雄兩種雄者飛雌者如小蠶其光均在尾

貨類

羊毛 各壩俱出惜未精於製造多爲外商購去

羊皮 羊羔皮最美與羊毛二貨俱爲出境之大宗

駝毛 土靖出者多其價視羊毛幾二倍織車帷頂棚極佳

褐 俗名褐子又名毛布往年織者少今知事張慶瑜設廠紡織

招生學習將來以土產製土貨其發達正未可量

古浪縣志

卷六

三十二

涼州城內東大街
河西印刷局承印

氈 毛口袋 毛襪子以上三貨俱以羊毛製

裘 羔皮者特佳價亦昂老羊皮者值賤二貨本地足用外銷甚多

酥 俗名酥油近南山一帶有出者特不甚多耳

水菸 前清道咸時大靖出者多後因罌粟盛行無人種植近年罌粟禁絕大靖仍種菸葉製造水菸者亦數家

鹿茸 南山一帶歲出百數十架官商購去爲入藥貴品最大者有四五尺長十二又重六七十斤者

麝香 亦出南山中獵戶取之每歲約值數千元

鹿乾角 四川商人販去以製鹿角膠每年出約百十石

馬鷄毛 見前 毛絲整長用以飾翎

酒 燒房十餘戶出酒甚多酒氣香烈以青稞糜子造成近因稅

捐繁重停業者多

蓬灰 土靖近沙漠處蓬草甚多土人燒以製灰售諸各處

木炭 出龍溝堡附近然價值過昂不能普及使用

煤 東南各山俱出惟古山墩最多而氣臭

石炭 產東南山中番地以小直溝出者爲最良

石灰 原質甚多卽俗名麵彈石者到處俱有惟燒煉者只二三家

家

布 前無織者率用湖北貨現因布價太昂府布厲山布每疋約

值錢五六仟民生甚艱赤體者屢見知事張慶瑜憫之熱心提

倡籌款設廠織機購料聘工師招生徒令其學習紡織以期將

來家家有機聲爲目的糜款多少在所不惜

油 縣境開油房者十數家以菜子胡麻搾油供本地之用有餘

古浪縣志

卷六

三十三

涼州城內東大街
河西印刷局承印

則運銷於鎮番紅水等處

龍鬚菜 俗名頭髮菜產土靖北邊沙漠地行銷各省歲出約數

百石

農業

古浪農事既患惰而又患拙惰則人有餘力拙則地有遺利如土靖地性肥熟及川七壩平原水田何物不生乃不知土化之法未能養土膏辨穀種儲肥料留水澤引陽光而又無新法利器不能取水殺虫茶絲棉麻諸物皆仰給於他所故大靖一帶糧食且糴自別處至各山坡旱地土性寒瘠又不得蒸土引陽之法穀更遜於平原而又不知栽種樹秧西人謂一畝地種植最優之利可養三人若古邑三畝所產難養一人近年來罌粟禁絕農得專力於嘉禾漸有改舊習之勢此古浪農業之梗概也

工業

工則農商之樞紐也內興農利外增商務皆非工不爲功古邑舊無良工更無人講明機器學理化學不明故物料不美所做農器難於適用卽種植未免減成所造物具料粗價底卽販運亦難銷售由智者無所創巧者無所因也今年布價甚昂民艱於衣知事張慶瑜憫之熱心提倡設紡織廠一所造機購料聘工師招學徒令其習學紡織爲人民之模範復造紡紗車數十具並棉發給貧民令其紡紗繳廠以期將來家家紡織到處有機聲爲目的行見人民乘機奮興購機紡紗者屢有所聞此後織業振興可預卜焉

商業

商賈多三晉人間有秦人大靖土門兩堡較殷繁於縣城然皆不過精會計權子母明習俗而無所謂商學也善經商者與工藝相因而

古浪縣志

卷六

三十四

涼州城內東大街
河西印刷局承印

成工有成器然後商有販運就本地所產之物料商先謀之工後造之先察何器利用何貨易銷何物宜變新式何法可輕成本何處喜用何貨何術可與他方爭勝然後命工師思新法創新器以供商之所求商務方有起色古浪之商既乏物料又無巧工所爭者億中之利但憑時運雖有所賺得亦不多積貨未能如阜日贏何能千金終爲商賈之役而已近年設立商會選舉會長將來於商務究亦大有裨益也

礦業

礦產之利國利民首重者莫如煤煤之運用實在五金之上縣屬古山墩煤井自明時開採至今未竭煤質亦甚堅結城鄉皆利用之其次則黃羊川之大灘馬連灘等處亦有煤洞煤井開採多年其煤灰質較多不甚堅結然皆在番地由住收番族開挖出售漢民不與其

事若夫金礦在古浪峽鐵櫃山等處間或有之土人罕有能測者曾聞南省識者上下路過其間每每見異稱羨本地人民輒信其言三五人驟集股費施工開採未見苗引中作而輟前已有行之者殊不知礦產各種非深不佳無論何礦須先察其礦質之優劣礦層之原薄礦脈之橫斜礦區之廣狹然後延高明礦師湊集鉅費開採礦利方能振興若略備微費姑用土法欲求速效則水漏不止一孔石隔不止一層費費耗盡勢必廢然而返此古浪礦務尙有待於興學勸工也

林業

古浪林木分天然人造兩種亦卽松木與楊木兩種天然山林一在縣南之顯化山一在縣東南之石門山一在峽內香林寺各山林木近年已採伐殆盡幾成濯濯惟顯化山尙有不過能做椽子之裁料而已所謂人造林者爲左公林學校林左公林由縣南龍溝堡迤縣北小橋堡沿道節節有之但皆稀疏現已枯死無多學校林自民國六年起各校逢植樹節每年在城內外空曠地陸續植造以不善保護現存在者亦不過十之一二此後果能將已栽者如意培之則十年成功較之樹人不亦易乎

監犯習藝

清光緒三十三年知縣李九波請准在城隍廟偏院設立軍流習藝所覓工師一名挑選軍流中青年者籌給成本習織棉線毯子大小帶子并毛口袋等物料堅價平尙能銷售若其工做漸就精緻卽可量爲擴充柰後來者未善其事遂廢前功縣知事張慶瑜於縣署新修房中創設紡織廠選監犯之青年者令其學習紡織造口袋帶子麻鞋等物實業之振興此其權輿歟

實業局之創立與裁撤

縣實業局創設於民國十五年爾時因無經費雖有其名而無其實至二十一年照依部頒法規改組爲建設局以辦理全縣礦產森林道路工廠商業農田水利及一切有關經濟建設發展爲宗旨二十二年始規定全年經費五百元二十四年元月奉令裁撤

縣農事試驗場與苗圃

縣農事試驗場與苗圃均於民國十五年照依中央政府實業部所頒法規組織成立農事試驗場地點在城內後巷捕廳衙署前空地苗圃地點在城外北湖灘廟地面積約十數畝寬此兩機關開辦有年成績方面實無可考兩處年支經費洋三百元近年因地方款收入不齊均各停辦

縣農會之成立與改組

古浪縣志

卷六

三十六

涼州城內東大街
河西印刷局承印

縣農會成立於民國十五年以經費無着礙難進行不過空有其名十八九年由縣黨部改組爲農民協會亦是有名無實

縣商會之創立與改組

縣商會創設於民國初年由全體商人推舉會長主持會務十九年照依部頒法規改組爲主席委員制在縣城者爲縣商會其在大靖堡土門堡龍溝堡者爲商支會

雜錄

清

康熙三年古浪產嘉禾一莖兩穗者七八本

見唐綿延雪臆記

雍正六年古浪大有年

宣統元年有五色雲起於西南方

民國

民國十五年縣屬土門堡二墩子周姓家乳牛產一麒麟牛主不識何物初生不食乳以餅飼之每作聲吼嘶如雷活二十餘日而死二十四年縣屬西山鄉武開弟家牛亦產一麒麟二日卽死牛主以草實其革

二十五年縣屬土門堡上河灣張姓家豕產八子內有一子與畫象同鄉民警怪羣聚爭視真象也惜甫活一日卽死巡官唐海晏照有相片現尙存

縣南十里之鐵櫃山石崖下有洞口一於民國二十四年突有巨蛇出沒其中身粗六七寸長約七八尺朝暮出現行人多有見者

樹間樓臺縣屬大靖堡西關迎恩橋邊有大楊樹一株周約六圍餘枝間修有奎星閣一座相傳係明時所植

野鶴棲楊縣城內西南隅文廟左右有古楊三株高約數十丈闊約

古浪縣志

卷六

三十七

涼州城內東大街
河西印刷局承印

六七圍於清光緒二十四年突有白羽巨鳥雌雄各一飛來巢於樹梢識者咸呼之曰青背鶴或又曰鶴鳥每歲春來秋去時日不爽漸育漸蕃有數十對之多他處雖有古樹亦不棲居自此鳥來連年五穀豐登亦瑞鳥也

縣屬鐵櫃山半有洞產石塊形似瑪瑙惟質軟易破

縣屬第三區之磨石溝產石甚佳能做大小硯池

縣屬土門堡東北十餘里沙漠中每於晨興自遠高眺見有城市樓臺房舍樹木若隱若顯羣呼之曰沙州城因在邊外沙灘也蓋亦光學之作用與海市蜃樓之說無異耳